

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 4. stav 1. Zakona o koncesijama - Prečišćeni tekst („Službene novine Zeničko-dobojskog kantona“, broj: 5/03), na prijedlog Ministarstva za privredu, Vlada Zeničko-dobojskog kantona, na 143. sjednici, održanoj dana 24.02.2022. godine, d o n o s i

O D L U K U

o pristupanju provođenja procedure dodjele koncesije za istraživanje i eksploataciju tehničko-građevinskog kamena krečnjaka na lokalitetu „Sokolica“ Općina Zavidovići

Član 1.

(Predmet)

Pristupa se provođenju procedure dodjele koncesije za istraživanje i eksploataciju tehničko-građevinskog kamena krečnjaka na lokalitetu „Sokolica“ Općina Zavidovići.

Član 2.

(Lokacija)

(1) Koncesiono polje za istraživanje i eksploataciju tehničko-građevinskog kamena krečnjaka na lokalitetu „Sokolica“ Općina Zavidovići ograničeno je graničnim linijama sa prijelomnim tačkama, kako slijedi:

KOORDINATE KONCESIONOG POLJA „SOKOLICA“ OPĆINA ZAVIDOVIĆI		
Br.	X	Y
G	4 912 980,00	6 512 550,00
1	4 913 115,60	6 512 776,01
2	4 913 169,93	6 512 691,96
3	4 913 055,55	6 512 482,74
4	4 912 969,44	6 512 501,27
5	4 912 898,37	6 512 484,31
6	4 912 722,23	6 512 575,97
7	4 912 777,69	6 512 671,38
G	4 912 980,00	6 512 550,00

(2) Površina koncesionog polja „Sokolica“ Općina Zavidovići iznosi 4,95 ha u dijelu katastarske čestice sa oznakom k.č. broj 703/1, K.O. Mitrovići, vlasništvo DRSV FBIH sa dijelom 1/1, upisanom u ZK izvadku broj 9 K.O. Mitrovići, po katastarskoj kulturi šuma 3. i 4. klase u posjedu DRSV FBIH sa dijelom 1/1.

Član 3.

(Opći eliminatorni uslovi)

(1) Opći eliminatorni uslovi za izbor najpovoljnije ponude za dodjelu koncesije za istraživanje i eksploataciju tehničko-građevinskog kamena krečnjaka na lokalitetu „Sokolica“ Općina Zavidovići su sljedeći:

- a) Studija o ekonomskoj opravdanosti dodjele koncesije za istraživanje i eksploataciju tehničko-građevinskog kamena krečnjaka na lokalitetu „Sokolica“ Općina Zavidovići,

- b) Ovjerena izjava da se pod krivičnom i materijalnom odgovornošću, nesporno, obavezuje omogućiti realizaciju svih projekata od općeg interesa, za koje Općinsko vijeće Zavidovići iskaže interes, a nije u koliziji sa ovim koncesionim Projektom.

(2) Opći eliminatorni uslovi vezani za ličnu i profesionalna sposobnost privrednog društva su sljedeći:

- a) Uvjerjenje nadležnog suda da nije pravosnažno osuđen za krivično djelo i/ili prekršaj u vezi sa obavljanjem privredne djelatnosti (počinjen u periodu 3 godine prije početka postupka dodjele koncesije ili od datuma registracije odnosno početka poslovanja, ako je ponuđač registrovan ili je počeo sa radom prije manje od 3 godine),
- b) Uvjerjenje nadležnog organa da nije predmet stečaja ili likvidacije i da nije u postupku stečaja ili likvidacije,
- c) Uvjerjenje nadležnog organa o izmirenim javnim prihodima (porezi, indirektni porezi, doprinosi za PIO/MIO i plaćenju koncesionoj naknadi),
- d) Aktuelno rješenje o upisu u sudski registar.

(3) Dokazi se dostavljaju u originalu ili ovjerenoj kopiji i ne mogu biti stariji 3 mjeseca od dana dostavljanja ponude.

(4) Opći eliminatorni uslovi vezani za ekonomsku i finansijsku sposobnost privrednog društva su sljedeći:

- a) Izvod iz Jedinственог регистра računa Centralne banke BiH o svim računima ponuđača,
- b) Potvrdu poslovne banke ponuđača da njegov glavni transakcijski račun nije bio blokiran u prethodnih 6 mjeseci ili od datuma registracije odnosno od početka poslovanja ako je ponuđač registrovan ili je počeo sa radom prije manje od 6 mjeseci.

Član 4.

(Posebni uslovi)

Posebni uslovi za izbor najpovoljnije ponude za dodjelu koncesije su sljedeći:

- a) Vrijeme koncesije na koncesionom polju je 20 (dvadeset) godina od dana potpisivanja Ugovora,
- b) Vrijeme koncesije za istraživanje je ukupno 3 godine. Ovo vrijeme počinje od dana dobijanja Odobrenja za geološka istraživanja mineralne sirovine od nadležnog organa, i uključuje, i eventualno, i vrijeme produžavanja roka za istraživanje shodno Zakonu o geološkim istraživanjima („Službene novine Zeničko-dobojskog kantona“, broj: 8/12),
- c) Vrijeme koncesije za istraživanje se može produžiti shodno važećim materijalnim propisima, ali u vremenskom okviru od 20 (dvadeset) godina u skladu sa tačkom a) Posebnih uslova. Preostali period (do 20 godina) odnosi se na eksploataciju mineralne sirovine,
- d) Koncesionar je dužan početi istraživanja u roku jedne godine od dana potpisivanja Ugovora o koncesiji,
- e) Koncesionar je dužan plaćati utvrđenu kontinuiranu koncesionu naknadu od dana dobijanja Odobrenja za rad po Glavnom rudarskom projektu od nadležnog organa,
- f) Koncesionar je dužan u roku od jedne godine nakon završenih istražnih radova, tj. potvrđenih geoloških rezervi Rješenjem nadležnog organa, početi eksploataciju mineralne sirovine,
- g) Minimalna godišnja obavezujuća količina eksploatisanog mineralnog resursa za koju je koncesionar obavezan plaćati minimalnu kontinuiranu koncesionu naknadu je 20.000,00 m³ čvrste mase koja je eksploatisana,
- h) U slučaju da Koncesionar eksploatiše u toku godine više od 20.000,00 m³ čvrste mase, obavezan je platiti kontinuiranu koncesionu naknadu na eksploatisanu količinu po m³ čvrste mase utvrđenu shodno geodetskom elaboratu otkopanih količina, koji izrađuje ovlaštena institucija,
- i) Minimalna jednokratna koncesiona naknada je 1.000,00 KM/ha (slovima: jednahiljada konvertibilnih maraka po hektaru koncesionog polja),
- j) Minimalna kontinuirana koncesiona naknada iznosi 0,80 KM/m³ čvrste mase koja je eksploatisana.

Član 5. **(Ostali uslovi)**

(1) Ostali uslovi za izbor najpovoljnije ponude za dodjelu koncesije uključuju da će se koncesija dodijeliti prema kriteriju najpovoljnijeg ponuđača, odnosno po principu najvećeg zbira bodova po osnovu kriterija iz javnog poziva, koji uključuju visinu kontinuirane koncesione naknade, visinu jednokratne koncesione naknade, minimalnu godišnju realizaciju predmeta koncesije, kao i na osnovu općih kriterija dodjele koncesije za istraživanje i eksploataciju.

(2) Procentualno učešće kod vrednovanja ponuda je:

- | | |
|---|---------------------------|
| a) <u>kontinuirana koncesiona naknada</u> | maksimalno 60 bodova; |
| Ponuđač sa najvišom ponuda dobija 60 (šezdeset) bodova. | |
| Svaka naredna niža ponuda dobija 5 (pet) bodova manje. | |
|
b) <u>jednokratna koncesiona naknada</u> |
maksimalno 20 bodova; |
| Ponuđač sa najvišom ponuda dobija 20 (dvadeset) bodova. | |
| Svaka naredna niža ponuda dobija 5 (pet) bodova manje. | |

- | | |
|---|-----------------------|
| c) <u>minimalna godišnja realizacija</u> | maksimalno 20 bodova; |
| Ponuđač sa najvišom ponuda dobija 20 (dvadeset) bodova. | |
| Svaka naredna niža ponuda dobija 5 (pet) bodova manje. | |

(3) Najpovoljniji ponuđač- koncesionar je dužan prije potpisivanja koncesionog ugovora Ministarstvu za privredu dostaviti:

- a) geodetski elaborat nultog stanja,
- b) uplatnicu kao dokaz uplate utvrđene jednokratne koncesione naknade,
- c) ovjerenu mjenicu sa mjeničnom izjavom na utvrđeni iznos kontinuirane koncesione naknade radi obezbjeđenja urednog plaćanja utvrđene kontinuirane koncesione naknade za godišnju utvrđenu obavezujuću količinu eksploatacije mineralnog resursa.

(4) Najpovoljniji ponuđač- koncesionar dužan je u roku od jedne godine od potpisa Ugovora o koncesiji, izvršiti upis koncesionog prava u Zemljišne knjige i dostaviti Ministarstvu za privredu zemljišno-knjižni izvadak sa identifikacijom parcela po starom i novom premjeru sa naznačenim katastarskim česticama i površinama.

(5) Koncesionar i koncesor će u roku od jedne godine od dana potpisivanja Ugovora o koncesiji potpisati Prilog Ugovora o koncesiji koji će sadržavati oznake katastarskih čestica, identifikaciju parcela po starom i novom premjeru sa naznakom površina katastarskih čestica unutar koncesionog polja.

Član 6. **(Eksploatacija)**

Radove eksploatacije, kao i sve druge prateće rudarske poslove, koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih resursa, te drugih važećih zakonskih propisa.

Član 7. **(Provođenje postupka izbora)**

Zadužuje se Ministarstvo za privredu da, putem Komisije koju imenuje ministar Ministarstva za privredu, provede postupak prikupljanja ponuda, izvrši odabir i predloži Ministarstvu za privredu najpovoljnijeg ponuđača.

Član 8.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-3109/22

Datum, 24.02.2022. godine

Zenica

PREMIJER

Mirnes Bašić

DOSTAVLJENO:

1x Ministarstvo za privredu,

1x Ministarstvo za prostorno uređenje, promet i komunikacije
i zaštitu okoline,

1x Ministarstvo za poljoprivredu, šumarstvo i vodoprivredu,

1x Općina Zavidovići, putem Ministarstva,

1x „Službene novine Zeničko-dobojskog kantona“,

1x a/a